

SAMOA

Faatulagaina o Aiaiga

VAEGA I **FAATOMUAGA**

1. Igoa puupuu ma le amataga
2. Faamatalaina o uiga o upu
3. O le Tulafono e noatia ai le Malo

VAEGA II **O SIOSIOMAGA E** **FAASAINA AI LE ULAULA** **TAPAA E AVANOA I AI** **TAGATA LAUTELE**

4. O le faamoemoe o lenei Vaega
5. Faasaina o le ulaula tapaa i nofoaga e faasaina ai le ulaula tapaa
6. Ia lē faatagaina e le tagata o lo o nofoia nofoaga le ulaula tapaa i nofoaga e faasaina ai le ulaula tapaa
7. Ia faia e le tagata e nofoia nofoaga ni faailoga faailoilo

VAEGA III **NOFOAGA UA TUUSAUNOA**

8. Nofoaga ua tuusaunoa

9. O tulafono faatonutonu mo, ma toe iloiloga o nofoaga ua tuusaunoaina
10. O le aveesea o tuusaunoaga mo nofoaga

VAEGA IV **NOFOAGA O GALUEGA E** **FAASAINA AI LE ULAULA** **TAPAA**

11. Faasaina o le ulaula tapaa i nofoaga o galuega
12. Ia lē faatagaina e lē e ona galuega le ulaula tapaa i nofoaga o galuega
13. Ia faia e lē e ona galuega ni faailoga faailoilo
14. Tuusaunoaga
15. Noataga o se faalapotopotoga ua tuufaatasia faaletulafono

VAEGA V **PUIPUIGA MAI AAFIAGA O** **OLOA TAU TAPAA**

16. O le faamoemoe o lenei Vaega
17. Faasalalauga faatosina o oloa tau tapaa
18. Tuusaunoaga mo tagata e faatauina atu oloa i tau taitasi

- 19. Faaaogāina o faailoga tau fefaatauaiga, ma isi mea faapea, i oloa e ese ai oloa tau tapaa, po o e faasino i gaoioiga e lagolagoina ai
- 20. Tuufaatasia po o le uunaia o gaoioiga e faaaogāina ai faailoga tau fefaatauaiga ma isi mea faapea, o oloa tau tapaa
- 21. E faasaina tufatufaga ma taui tuusaunoa
- 22. E leai ni faasalalauga faatosina po o ni igoa e faia i oloa tau tapaa e faapea ai ua talafeagai mo le taumafaina
- 23. E faasaina le faatauina atu o oloa tau tapaa i tagata e i lalo ifo o le 21 tausaga le matua
- 24. Faasaina o le faatauina atu o nisi oloa tau tapaa i ni aofaiga laiti
- 25. Faasaina o le faatauina atu o tapaa e ala i masini faatau tapaa ma isi auala e faatauina atu ai e aunoa ma le vaavaaia
- 26. Tusia o igoa ma lapataiga tau soifua maloloina
- 27. Faasaina o le faia o igoa taufaasese
- 28. Puipuiga mai mea o lo o gaosia ai oloa tau tapaa
- 29. O suesuega e manaomia
- 30. Lipoti o kemikale o lo o gaosi ai le tapaa, oloa faoopoopo ma nisi faamatalaga tau pisinisi e manaomia
- 31. O isi poloaiga a le Faamasinoga i moliaga ua faamaonia faaletulafono mo se soligatulafono

VAEGA VI
AIAIGA ESEESE

- 32. Tofiga o tagata ofisa e faamalosia le tulafono
- 33. Malosiaga o tagata ofisa e faamalosia le tulafono e asiiasi ai ma faia suesuega
- 34. Tiute tauave o tagata ofisa e faamalosia le tulafono
- 35. Tulafono Faatonutonu
- 36. Faamatalaga molimau e ala i Tusi Faamaonia
- 37. Tuuina atu o faasilasilaga ma isi tulaga faapea
- 38. Aiaiga tau Soloaiga

2008, Nu. 26

O SE TULAFONO -

**(a) e puipuia ai le soifua maloloina o tagata o Samoa
mai faamai ma le vave maliliu o tagata e
mafua mai i le faaaogāina o tapaa ma le aafia
i asu o tapaa;**

- (b) e puipuia ai tagata e lē ulaula tapaa mai faafitauli
e tulai mai i asu o tapaa;**
- (c) e faatonutonu ai le maketiina, faasalalauga
faatosina, le faatauina atu, le uunaia ma le
tufatufaina o oloa tau tapaa i se faiga tuusao
po o e ala atu i le lagolagoina o isi oloa,
auaunaga po o ni gaoioiga; ma**
- (d) le mataitu ma faatonutonu ai le i ai o ni mea oona
e i totonu o oloa tau tapaa.** [18 Iulai 2008]

UA FAIA e le Fono Aoao Faitulafono a Samoa i totonu o le Palemene ua potopoto e faapea:

VAEGA I **FAATOMUAGA**

1. Igoa puupuu ma le amataga-(1) E mafai ona taua lenei Tulafono o le Tulafono o Puipuiga mai Aafiaga o le Tapaa 2008.

(2) E tatau ona amata faamamaluina lenei Tulafono i se aso ua filifilia e le Minisita.

(3) O le Faasilasilaga o le amata faamamaluina o lenei Tulafono e tatau ona lomia faasalalau i le gagana Samoa ma le gagana Peretania i le Savali.

2. Faamatalaina o uiga o upu - I totonu o lenei Tulafono, ae vagana ai ua manaomia i le mataupu se isi uiga e ese ai:

“vaega faaopoopo o le gaosiga” o lona uiga o se vailaau oona ua avea ma vaega o se oloa tau tapaa e lē o se lau tapaa ua togafitia faavailaau; ma e aofia ai:

(a) se vailaau ua avea ma vaega o se oloa ua maua mai po ua faamamaina mai se lau tapaa (ua togafitia faavailaau pe leai foi); ma

(b) so o se vailaau oona ua tuuina i totonu o se oloa tau tapaa a o faagasolo le galueaina, gaosiaina, po o le teuina i pusa oloa, e aofia ai, pei ona talafeagai, vailaau oona ia o lo o i pepa, faamama, taga e teuina i ai ni vaevaega po o vaega e foliga tutusa ma oloa tau tapaa;

“faafoega o galuega i le ea” o lo o i ai lona uiga tutusa ua faamatalaina i totonu o le Tulafono o Vaalele Sivili 1998;

“Ofisa Sili o Pulega” o lona uiga o le Ofisa Sili o Pulega o le Matagaluega;

“sikaleti” o lona uiga o se oloa tau tapaa o lo o aofia ai se taaiga o tipiga tapaa, o lo o i totonu o se pepa ma e aofia ai le oloa tau tapaa e masani ona taua o le sikarelo;

“vaega o lo o gaosia ai” e tusa ai o oloa tau tapaa ua faamoemoe e ulaula ai, o lona uiga o vailaau kemikale o lo o maua i totonu o lea lava oloa, ma totonu o le asu o lo o alu ese mai lea oloa, ma e tusa ai ma oloa tau tapaa e leai ni asu, o vaega o lo o gaosia ai, o lona uiga o vailaau kemikale ua i ai i totonu lava o le tapaa;

“igoa o le kamupani” e aofia ai so o se igoa ua faamauina ai faaletulafono, igoa o le faalapotopotoga po o igoa o le pisinisi, ua faamauina pe leai po o ua mafai ona faamauina i lalo o le Tulafono o Kamupani 1955, le Tulafono o Kamupani 2001 po o so o se isi tulafono o lo o faamamaluina;

“Faamasinoga” o lona uiga o le Faamasinoga Sili a Samoa;

“vaa” o lona uiga:

- (a) o se vaalele e faaaogāina i le faafoega o galuega i le ea;
- (b) o se vaa o le sami e pei ona faamatalaina i le Tulafono o Vaa 1998;

“tagata e tufatufaina atu” o lona uiga o se tagata ua faia sana pisinisi e faatauina atu ai oloa tau tapaa e ese mai nai lo le faatauina atu o oloa i tau taitasi;

“tagata faigaluega” o lona uiga o so o se tagata o so o se matua i tausaga ua galue i lalo o se Konekarate o galuega a lē e ona galuega e faia so o se galuega mo se totogi po o se taui;

“o lē e ona le galuega” o lona uiga o se tagata e faafaigaluegaina so o se tagata faigaluega;

“o lo o puipuia i totonu” o lona uiga o se nofoaga o lo o i totonu po o i luga o nofoaga po o se taavale, afai e tapunia ona faitotoa uma, faamalama, ma isi avanoa e

mafai ona tapunia, ua puipuia atoatoa po o e tele sona vaega ua puipuia faatasi ai i totonu i:

- (a) se faalo, taualuga po o se falealuga i luga ae faapena;
- (b) puipui, itu, uaea puipui po o isi fausaga laualuga faapena; ma
- (c) avanoa o lo o i ai i ia mea;

“lapataiga tau soifua maloloina” o lona uiga o se lapataiga po o se faamatalaga e faamalamalama ai po o ata e uiga i aafiaga o le soifua maloloina i le ulaula tapaa, o ona faamanuiaga ma/po o fautuaga e taofia ai, ma so o se isi mataupu e faasino i tapaa ma le soifua maloloina, e pei ona faatonuina e tulafono faatonutonu ua faia i lalo o le Tulafono;

“falemai” o lona uiga o so o se nofoaga ma fale o lo o togafitia ai tagata mama’i po o lo o tausia ai tagata mama’i;

“faigamalaga i vaalele i le lotoifale” o lona uiga o se faigamalaga i vaalele:

- (a) i le va o ni nofoaga se lua pe sili atu i totonu o Samoa; po o
- (b) e amata mai i so o se nofoaga i totonu o Samoa ma ua faamoemoe e faamuta mai i lena lava nofoaga e tasi;

“nofoaga ua laiseneina” ua i ai lona uiga lava lea o lo o faamatalaina mai ai i totonu o le Tulafono o Ava Malosi 1971;

“sikaleti taape” o lona uiga o sikaleti e lē o aofia i totonu o se pusa;

“tapaa taai” o lona uiga -

- (a) o tapaa taai e taai i lima mo le ulaina; po o
- (b) tapaa utu paipa;

“Minisita” o lona uiga o le Minisita o le Soifua Maloloina;

“Matagaluega” o lona uiga o le Matagaluega o le Soifua Maloloina;

“isi lapataiga” o lona uiga, e tusa ai o lapataiga i luga o pusa tapaa, o isi faamatalaga e faasino i aafiaga tau agafesootai, tamaoaiga, po o aganuu po o isi aafiaga o le ulaula tapaa po o le aafia i asu o tapaa, po o fautuaga e

- aloese mai ai i tulaga afaina e fesootai ma le ulaula tapaa
po o le aafia ai i asu o tapaa;
 “pusa” o lona uiga o so o se atigipusa, katuni, afifi, po o isi
pusa oloa e masani ona faatauina atu ai tapaa i oloa
faatau taitasi ma e aofia ai igoa e faailoa ai ia pusa;
 “nofoaga” e aofia ai so o se vaega o se fale, ma so o se
nofoaga po o vaega o se nofoaga;
 “nofoaga faitele” o lona uiga o se nofoaga po o se taavale e
faaaogā e tagata lautele po o se vaega e agavaa ai tagata
lautele e faaaogā po o e tatala, po o lo o faaaogāina e
tagata lautele po o se vaega o tagata lautele (e totogi i
tupe, e ala i le avea ma sui auai o se kalapu po o se isi
faalapotopotoga, po o se isi itu e ese ai);
 “lomia faasalalau” o lona uiga:
 (a) o so o se faamatalaga ua tuuina i totonu o se
nusipepa po o isi lomiga faasalalau faavaitaimi e
faapea ua lolomi, lomia faasalalau, pe tufatufaina
i totonu o Samoa;
 (b) o le auina atu i so o se tagata, e ala i le lafoina i
pusameli po o se isi faiga e ese ai;
 (c) faaoo atu i so o se tagata po o le tuuina i luga o le
nofoaga o lo o nofoia e so o se tagata;
 (d) faasalalau e pei ona i ai i totonu o le uiga o le
Tulafono o Faasalalauga 1959;
 (e) o lo o i ai i totonu o so o se ata pue po o ata vito;
 (f) o lo o i ai i totonu o se tisiketi e faaaogā i se
komepiuta;
 (g) faasalalauina i auala o so o se faiga faa eletoroni;
 (h) tufatufa atu i so o se auala;
 (i) faaalalia e ala i se faailoga faailoilo, faasilasilaga, ata
pue po o isi auala; po o
 (j) faalauiloa atu i tagata lautele i totonu o Samoa i so o
se isi faiga;
 “tagata nofomau” o lona uiga:
 (a) o se tagatanuu o Samoa e i ai lona uiga o lo o i totonu
o le Tulafono o Tulaga o Tagatanuu 2004;
 (b) o se tagata e nofomau i Samoa ua ia umia se Pemita
nofomau i lalo o le Tulafono o le Ulaiale mai o
Tagata 2004; po o

- (c) o se kamupani ua faamauina faaletulafono i totonu o Samoa;
- “tagata e faatauina atu oloa i tau taitasi” o lona uiga o se tagata o faia so o se pisinisi e aofia ai le faatauina atu o oloa tau tapaa i tau taitasi;
- “nofoaga e faasaina ai le ulaula tapaa” o lona uiga o so o se nofoaga faitele ae lē aofia ai se nofoaga ua tuusaunoa;
- “meafaitino e faaaogāina i tapaa” o lona uiga o so o se meafaitino po o se vailaau oona ua faaaogāina faatasi ma le tapaa, e aofia ai pepa sikaleti, faamama paipa, afikesi, penisini o afi, ta lefulefu, ma e aofia ai pusa, katuni, afifi po o isi pusa oloa o lo o masani ona faatauina atu ai meafaitino e faaaogā i tapaa, o lo o faatauina oloa i tau taitasi;
- “oloa tau tapaa” o lona uiga o so o se oloa ua faia po ua gaosia mai tapaa ma faamoemoe mo le faaaogāina mo le ulaula tapaa, mimitiina, po o le lamuina ma e aofia ai le mimitiina i le gutu po o le isu ae lē aofia ai so o se vailaau faa fomai ua faatauina atu po ua tuuina atu atoa pe faapitoa mo le faaaogāina e avea o se fesoasoani ina ia taofia ai le ulaula tapaa;
- “faasalalauga faatosina o oloa tau tapaa” o lona uiga o so o se upu, i le tusia, lolomi, po o le tautalagia, e aofia ai i luga o ata pue i lipine, ata pue o vito, po o isi auala, faasalalauga i leitio po o faasalalauga i le televise, ma so o se ata ua aumaia ai, mamanu, po o se masini ua faaaogāina ina ia faamalosia ai le faaaogāina po o le faasilasilaina o le maua po o le uunaia o le faatauina atu o so o se oloa tau tapaa po o le uunaia o le amioga o le ulaula tapaa ma e aofia ai:
- (a) so o se ata, i se lipine pue ata, ata vito, faasalalauga i televise, po o isi auala e mafai ona vaaia o se oloa tau tapaa po o se faailoga tau fefaatauaiga, o oloa tau tapaa pe afai o se tupe maua mo lena ata ua totogiina, po o so o se mea taua ua tuuina atu, i lē na ia faia po o lē na ia gaosia lena lipine ata, ata vito, po o televise po o se auala vaaia po o i so o se isi lava tagata; ma

- (b) le faaaogāina i so o se faasalalauga faatosina po o se faalauiloaina i tagata lautele o le igoa o se kamupani e gaosia oloa tau tapaa pe afai o lena igoa po o so o se vaega o lena igoa ua faaaogāina e avea o se, po ua aofia i totonu o se faailoga tau fefaatauaiga o oloa tau tapaa, ma o le “faasalalauga faatosina” e i ai lona uiga tutusa; “lagolagoina o tapaa” o lona uiga o le faasalalauina, faamaonia, soofaatasi po o le faailoagofieina faalauaitele o se kamupani gaosi tapaa, tagata e faaulufaleina mai tapaa, tagata e faatauina atu, ituaiga, po o se oloa tau tapaa faatasi ai ma, i luga, po o e fesootai faatasi ma:
- (a) se faafiafiaga, taaloga, gaoioiga mo le toe tapueina o le soifua laulelei, faaleaoaoga, aganuu, po o isi gaoioiga po o galuega tau tagata lautele;
 - (b) se tagata po o se vaega o lo o auai i ia gaoioiga po o galuega, e aofia ai a latou meafaigaluega, ofu, ma meafaitino faaopoopo o ia mea;
 - (c) se auaunaga e tuuina atu po o se saofaga ua faia e se tagata e gaosia, tagata e faaulufale mai tapaa po o le faatau atu; po o
 - (d) se fale, nofoaga faaleaoaoga, nofoaga tau taaloga, faalapotopotoga po o isi itutino faale faalapotopotoga e lē o se kamupani e gaosia tapaa, tagata e faaulufaleina mai, po o e faatauina atu tapaa;
- “o le ulaula tapaa” o lona uiga o le mimitiina po o le feulaina ese o le asu mai, po o le tagofia, o se oloa tau tapaa ua faaolaina i se afi ma “ulaina” ma le “ulaulaina o tapaa” e uiga tutusa;
- “faailoga tau fefaatauaiga” e aofia ai so o se faailoga tau fefaatauaiga ua faamauina pe leai po o e ono mafai ona faamauina faapena i lalo o le Tulafono o Faailoga Tau Fefafaatauaiga 1972, ma e aofia ai foi:
- (a) so o se igoa o le ituaiga maoti;
 - (b) so o se igoa o se kamupani, pe afai o lo o faaaogāina lena igoa mo faasalalauga faatosina po o mo faamoemoega ina ia uunaia ai; po o

(c) so o se igoa, upu po o faailoga ua faapea e foliga tutusa ma so o se faailoga tau fefaatauaiga e faapea e ono avea o, po o ua fenumiai ma, lena faailoga tau fefaatauaiga;
 “masini faatau tapaa” o lona uiga o so o se masini e faafoeina e ia lava e faapea:

(a) i le faaoifiina i ai o se tupe siliva po o se faailoga e foliga o se tupe po o e ala i so o se isi auala, na te faatauina atu oloa tau tapaa, e aunoa ma se isi gaoioiga faafoe po o le i ai o se fesoasoani a le tagata faatau; ma

(b) e lē manaomia ai le toe faafouga i le va o faatauga taitasi;
 “taavale” o lona uiga o pasi lau pasese, vaalele, taavale laiti lau pasese, taavale totogi faa-lisi, vaa lau pasese po o isi ituaiga vaa;
 “nofoaga o galuega” o lona uiga o so o se nofoaga puipuia po o le nofoaga i totonu o lo o nofoia e lē e ona galuega ma e masani ona faaaogā e tagata faigaluega i taimi faigaluega ma e aofia ai so o se taavale, faleaiga, polotito, lifi, potu talimalo, o vaega avanoa i lalo o fasitepu, fale le taua ma fale taele ma e aofia ai foi so o se nofoaga masani o lo o i totonu, o taavale a le falefaigaluega e masani ona faaaogā e tagata faigaluega, ae lē aofia ai so o se nofoaga o lo o faaaogāina faapitoa e avea o se nofoaga e nofoia e lē e ona galuega.

3. O le Tulafono e noatia ai le Malo - O lenei Tulafono e noatia ai le Malo.

VAEGA II **O SIOSIOMAGA E FAASAINA AI LE ULAULA TAPAA** **E AVANOIA I AI TAGATA LAUTELE**

4. O le faamoemoe o lenei Vaega - O le faamoemoe o lenei Vaega o le puipuia lea, i le a lava le tulaga e talafeagai ai ona faatino, mai aafiaga leaga o le ulaula tapaa i le soifua maloloina o so o se tagata e lē ulaula tapaa, po o e lē o manao e ulaula tapaa, i totonu o so o se nofoaga o galuega po o i totonu o nofoaga faitele e fai puipui.

5. Faasaina o le ulaula tapaa i nofoaga e faasaina ai le ulaula tapaa-(1) I le noatia ma le fai fuafua i lenei fuaiupu, so o se tagata e ulaula tapaa i totonu o se nofoaga e faasaina ai le ulaula tapaa, ua faia e ia se soligatulafono e mafai ona faasalaina i se sala tupe e lē silia le 10 iunite tau faasalaga.

(2) O se tagata o ia lea e faia ni faaaliga i totonu o se fale tifaga po o isi nofoaga e faia ai ni faaaliga, ua lē faia e ia se soligatulafono i lalo o lenei fuaiupu e ala i le ulaula tapaa a o faia lana faaaliga pe afai o le ulaula tapaa o se vaega o le faaaliga.

6. Ia lē faatagaina e le tagata o lo o nofoia nofoaga le ulaula tapaa i nofoaga e faasaina ai le ulaula tapaa-(1) E ao i le tagata o lo o nofoia nofoaga ona faia laasaga uma e talafeagai ina ia faamautuina i so o se taimi e leai se tagata o lo o ulaula tapaa i se nofoaga e faasaina ai le ulaula tapaa.

(2) O le tagata e nofoia nofoaga ua lē mafai ona ia tausisia lenei fuaiupu, ua ia faia se soligatulafono e mafai ona faasalaina i se sala tupe e lē silia le 20 iunite tau faasalaga.

7. Ia faia e le tagata e nofoia nofoaga ni faailoga faailoilo-(1) E ao i le tagata e nofoia nofoaga e faasaina ai le ulaula tapaa ona faaalia ni faailoga faailoilo o nofoaga e faasaina ai le ulaula tapaa e tusia ai e faapea e lē faatagaina le ulaula tapaa.

(2) E ao i faailoga faailoilo ua manaomia i le faafuaiupu (1) ona tausisia so o se manaoga ua faatulagaina mai i totonu o tulafono faatonutonu ua faia i lalo o lenei Tulafono.

(3) So o se tagata ua ia lē usitaia lenei fuaiupu, ua ia faia se soligatulafono e mafai ona faasalaina i se sala tupe e lē silia le 20 iunite tau faasalaga.

VAEGA III **NOFOAGA UA TUUSAUNOA**

8. Nofoaga ua tuusaunoa-(1) I totonu o lenei Tulafono, o nofoaga ua tuusaunoa, o lona uiga, o so o se nofoaga ua taua mulimuli mai e lē o noatia i se faaaliga manino o lo o faamamaluina i lalo o le fuaiupu 10:

(a) so o se nofoaga po o nofoaga ia o lo o noatia i se laisene o le ava malosi o lo o faamamaluina i lalo o le Tulafono o Ava Malosi 1971, e ese mai i:

(i) se vaega o nofoaga a o faaaaogā lena vaega o se nofoaga e taumamafa ai ma o lo o faatauina ai ni taumafataga, laulau ai ni mea ai pe taumafa ai; po o

(ii) se nofoaga po o nofoaga ma fale o lo o faatauina atu ai le ava malosi i tagata lautele ae peitai e lē taumafaina i lea nofoaga po o nofoaga ma fale;

(b) o nofoaga ma fale o se kalapu faatasi ai ma ni sui, e ese ai nai lo:

(i) se vaega o nofoaga ma fale a o faaaaogāina le vaega e avea o se nofoaga e aai ai o lo o faapea ona faatauina ai taumafataga, tuuina atu ma taumafa ai; po o

(ii) se vaega o nofoaga ma fale a o lo o faaaaogāina le vaega mo se taligamalo o lo o faapea ona faia ai se taumafataga; po o

(c) so o se nofoaga ma fale, po o vasega o nofoaga ma fale, ua faatonuina e tulafono faatonutonu mo faamoemoega o lenei faamatalaga.

(2) O nofoaga ma fale e tuusaunoa e lē aofia ai so o se vaega o nofoaga ma fale e manaomia ina ia lautogia e avea o se nofoaga e faasaina ai le ulaula tapaa i lalo o tulafono faatonutonu.

9. O tulafono faatonutonu mo, ma toe iloiloga o nofoaga ua tuusaunoaina-(1) E mafai e tulafono faatonutonu ona faia aiaiga mo po o e tusa ai ma manaoga ia e ao ona tausisia e nofoaga ma fale ua tuusaunoa.

(2) E ao i le Matagaluega ona fetuunai aiaiga o le fuaiupu 8, 9 ma le 10 i sea taimi ma ia itu e pei ona manaomia e le Ofisa Sili o Pulega.

10. O le aveesea o tuusaunoaga mo nofoaga-(1) E mafai e le Ofisa Sili o Pulega ona faaalia manino e faapea ua faamuta ona tuusaunoa ni nofoaga ma ni fale patino pe afai ua

faamalieina e faapea ua lē tausisia so o se manaoga o lenei Tulafono po o tulafono faatonutonu e faasino i nofoaga ma fale.

(2) E faatoa mafai e le Ofisa Sili o Pulega ona faia se faaaliga manino i lalo o lenei fuaiupu:

(a) i le maea ai ona tuuina atu i lē o lo o nofoia nofoaga ma fale o lo o taua:

(i) se fautuaga tusitusia e faapea ua manatu le Ofisa Sili o Pulega e faia se faaaliga manino i lalo o le faafuaiupu (1);

(ii) mafuaaga na mafua ai le manatu o le Ofisa Sili o Pulega e faia se faaaliga manino i lalo o le faafuaiupu (1); ma

(iii) se avanoa e fai ai se talosaga tusitusia i totonu o le vaitaimi ua faamaoti mai i le fautuaga (ia lē itiiti ifo i lo le 14 aso); ma

(b) i le maea ai ona iloiloina so o se talosaga tusitusia ua faia e lē o lo o nofoia i totonu o lea vaitaimi.

(3) O se faaaliga manino i lalo o lenei fuaiupu:

(a) e ao ona faia i se faiga tusitusia;

(b) e ao ona faaoo atu se ata o le faaaliga manino i lē e nofoia le nofoaga po o fale ua taua; ma

(c) faamamaluina i le aso lea na faaoo atu ai le faaaliga manino po o i se aso ua faamaoti mulimuli ane i le faasilasilaga.

(4) E mafai e le Ofisa Sili o Pulega, i so o se taimi ona faalēaogāina se faaaliga manino i lalo o lenei fuaiupu e ala i se faasilasilaga tusitusia ua faaoo atu i lē e nofoia nofoaga ma fale ua taua.

VAEGA IV **NOFOAGA O GALUEGA E FAASAINA AI LE** **ULAULA TAPAA**

11. Faasaina o le ulaula tapaa i nofoaga o galuega-(1) Ua faasaina le ulaula tapaa i nofoaga o galuega.

(2) So o se tagata o ia lea e ulaula tapaa i nofoaga o galuega ua faia se soligatulafono e faasalaina i se sala tupe e lē silia le 10 iunite tau faasalaga.

12. Ia lē faatagaina e lē e ona galuega le ulaula tapaa i nofoaga o galuega-(1) E ao i le tagata e ona galuega ona faia laasaga talafeagai uma e faamautinoa ai e faapea e leai se tagata e ulaula i so o se taimi i se nofoaga o galuega.

(2) O se tagata e ona galuega o ia lea ua lē tausisia lenei fuaiupu ua ia faia se soligatulafono e fasalaina i se sala tupe e lē silia le 20 iunite tau fasalaga.

13. Ia faia e lē e ona galuega ni faailoga faailoilo-(1) E ao i tagata taitoatasi uma e ona galuega ona faailoa atu faailoga faailoilo i nofoaga o galuega e taua ai e faapea e lē faatagaina le ulaula tapaa.

(2) E ao i faailoga faailoilo ua manaomia i le faafuaiupu (1) o lenei fuaiupu ona tausisia so o se manaoga ua faatulaga mai i tulafono faatonutonu.

(3) So o se tagata o ia lea ua solia lenei fuaiupu ua faia se soligatulafono e fasalaina i se sala tupe e lē silia le 20 iunite tau fasalaga.

14. Tuusaunoaga - E lē tatau ona noatia tagata e ona galuega ma tagata i aiaiga o lenei Vaega pe afai o le nofoaga o galuega o se nofoaga o lo o faatagaina ai le taumafaina o tapaa i lalo o lenei Tulafono.

15. Noataga o se faalapotopotoga ua tuufaatasia faaletulafono - Afai ua faamaonia faaletulafono se moliaga o se soligatulafono ua faia i lalo o lenei Tulafono e se faalapotopotoga ua tuufaatasia faaletulafono, e tatau ona noatia faatonu, pule ma tagata ofisa taitoatasi uma o le faalapotopotoga ua tuufaatasia faaletulafono ina ia faamaonia faaletulafono le moliaga o lea lava soligatulafono ma fasalaina i se sala tupe i le faiga lava lea e pei ona faia i le faalapotopotoga ua tuufaatasia faaletulafono, ae vagana ai ua faamautuina e le faatonu, pule po o le tagata ofisa, po o le a lava le tulaga e i ai, i le faamalieina o le Faamasinoga e faapea o le faatonu po o le pule po o le tagata ofisa, po o le a lava le tulaga o manaomia, e le i iloaina ma e le i mafai ona faia ni laasaga talafeagai e iloa ai sa faia po o ua faia se soligatulafono e le faalapotopotoga ua tuufaatasia faaletulafono, i lalo o lenei Vaega.

VAEGA V
PUIPUIGA MAI AAIFIAGA O OLOA TAU TAPAA

16. O le faamoemoe o lenei Vaega - O le faamoemoe o lenei Vaega o le:

- (a) faaitiitia lea o le manao o tagata e faaaogā le tapaa, aemaise lava i tupulaga talavou e ala i le:
 - (i) faia o puipuiga e faatatau i le maketiina, faasalalau faatosina, faatau atu, uunaia, afifiina ma le tufatufaina atu o oloa tau tapaa ma mea o lo o fesootai i ai e ala i le lagolago faatasi ai ma isi oloa ma gaoioiga; ma
 - (ii) manaomia o lapataiga faa soifua maloloina ma isi faamatalaga ina ia faailoa atu, po o le aofia faatasi ai, afifi o lo o i ai i totonu oloa tau tapaa; ma
- (b) faaitiitia ai le tele o aafiaga leaga o oloa tau tapaa i le soifua maloloina o tagata o lo o faaaogāina e ala i le mataituina ma le faatonutonuina o vailaau oona o lo o i totonu o oloa tau tapaa ma asu o tapaa.

17. Faasalalauga faatosina o oloa tau tapaa-(1) I le noatia ma le fai fuafua i lenei fuaiupu ma le fuaiupu 19, e lē tatau i se tagata ona lomia faasalalau, po o le faatulaga mo so o se isi lava tagata e lomia faasalalau, so o se faasalalauga faatosina o oloa e gaosi ai le tapaa i totonu o Samoa.

(2) E lē faaaogāina le faafuaiupu (1) i so o se faasologa o tau ua tuuina atu i tagata e faatauina atu oloa tau tapaa i tau taitasi pe afai o lo o aofia ai i totonu o le faasologa o tau lapataiga tau soifua maloloina o lo o manaomia e po o lalo o lenei Vaega.

(3) E lē faaaogāina le faafuaiupu (1) i so o se faasalalauga faatosina o lo o aofia i totonu o so o se tusi, tusiata, po o nusipepa e lomia i fafo atu o Samoa, po o i so o se leitio po o faasalalauga tau televise e afua mai i fafo atu o Samoa, po o i so o se ata tifaga po o masini vito ua pueina i fafo atu o Samoa, seja vagana ai:

- (a) o le faamoemoega autu o le tusi, tusiata, nusipepa, faasalalauga, ata tifaga, po o le pueina i vito o le uunaia o le faaaaogāina o oloa tau tapaa;
 - (b) o le tusi, tusiata, nusipepa, ata tifaga po o le pueina o vito ua faamoemoe e faataau atu, tufatufaina po o e faapitoa mo ni faaaliga i totonu o Samoa; po o
 - (c) i le tulaga i se faasalalauga faapisinisi i so o se leitio po o le auina atu i le televise, ua taulai le faasalalauga faatosina i ni tagata o lo o maimoaina i totonu o Samoa.
- (4) E lē faaaaogāina le faafuaiupu (1) i le lomiga faasalalau a se tagata e gaosia oloa e gaosi ai tapaa po o se faasalalauga faatosina o oloa e gaosi ai tapaa i totonu o se tusiata ua faamoemoe mo na o le tufatufaina atu i tagata faigaluega a le tagata e gaosia le tapaa.
- (5) E lē faaaaogāina le faafuaiupu (1) i -
- (a) le faaaliga o oloa, i so o se mataaga po o nofoaga e teu ai ata tusi, o so o se galuega po o meataulima o anamua; po o
 - (b) le faasoaina atu, faasalalau i le ea, po o faaaliga o so o se ata tifaga, pueina o ata vito, po o le pueina o leo, pe afai:
 - (i) e faapea o lena ata tifaga, pueina o ata vito po o le pueina o leo sa faia a o lumanai ai le faamamaluina o lenei Tulafono; ma
 - (ii) le faasalalauga faatosina o oloa tau tapaa o lo o aofia i lea ata tifaga, ata vito ua pueina, po o leo ua pueina o lo o i se faiga e faasinomia i, po o se ata foliga mai o, se faailoga o fefaatauaiga o se oloa e gaosi ai tapaa ua na o se vaega e tulai mai o lea ata tifaga, ata vito, po o pueina o leo.
- (6) O tagata taitoatasī uma o ia lea, e aunoa ma se mafuaaga talafeagai, ua lomia faasalalau so o se faasalalauga faatosina mo se oloa tau tapaa e solia ai lenei fuaiupu, ua faia se soligatulafono ma e noatia:

- (a) i le tulaga o se tagata e gaosia le tapaa, tagata e faaulufaleina mai po o le tagata e tufatufaina atu se oloa e gaosia ai le tapaa, i se sala tupe e lē silia le 1,000 iunite tau faasalaga; po o
- (b) i so o se isi lava tulaga, i se sala tupe e lē silia le 100 iunite tau faasalaga.

18. Tuusaunoaga mo tagata e faatauina atu oloa i tau taitasi-(1) E ui lava i le fuaiupu 17, e mafai e le tagata e faatauina atu oloa tau tapaa i tau taitasi ona faia so o se mea ua taua e faapea:

- (a) faailoa atu so o se oloa tau tapaa mo le faatauina atu i totonu o nofoaga o pisinisi e faatauina atu oloa i tau taitasi ae pau lava o lea ia tausisia le faailoaina atu faatasi ai ma so o se manaoga ua faatonuina;
 - (b) le faatulagaga, i totonu o se nofoaga o pisinisi e faatauina atu oloa i tau taitasi, o faasilasilaga o tau e faamatala mai ai oloa e gaosi ai tapaa o lo o i ai mo le faatauina mai i totonu o lea nofoaga ma o latou tau, pe afai o nei faasilasilaga o lo o tausisia ai so o se manaoga faatonuina e faasino i lo latou lapopoa, lanu, mea o lo o aofia ai, aofaiga ma lapataiga faa soifua maloloina; po o
 - (c) le faailoa o le igoa o tagata o lo o faatauina atu oloa i tau taitasi po o igoa o fefaatauaiga i fafo ane o le nofoaga o pisinisi a le tagata e faatauina atu oloa i tau taitasi, e tusa ai ma so o se manaoga faatonuina, e ui lava o lo o aofia ai i le igoa so o se upu po o fuaiteau e faamatalaina ai e faapea so o se oloa e gaosi ai le tapaa o lo o i ai i lea nofoaga mo le faatauina mai, ae pau lava le mea ia aua ne i aofia ai le failogga o fefaatauaiga o se oloa e gaosi ai le tapaa po o le igoa o le kamupani a se tagata e gaosia oloa tau tapaa.
- (2) O tagata taitoatasi uma o i latou ia, e aunoa ma se mafuaaga talafeagai, ua le tausisia so o se tulafono faatonutonu ua faia mo le faamoemoe o lenei fuaiupu, ua faia se

soligatulafono ma ua noatia i se sala tupe e lē silia le 100 iunite tau faasalaga.

19. Faaaogāina o faailoga tau fefaatauaiga, ma isi mea faapea, i oloa e ese ai oloa tau tapaa, po o e faasino i gaoioiga e lagolagoina ai-(1) E lē tatau i se tagata ona faaaogā, i se isi faiga e ese ai mai i le tulaga e lē faalauaiteleina ai, se faailoga tau fefaatauaiga o oloa tau tapaa:

- (a) i luga o so o se meafaitino e ese mai i oloa tau tapaa
po o se afifi po o se pusa oloa o lo o faatauina atu
ai oloa tau tapaa po o le lauina i vaa; po o
- (b) mo le faamoemoe o faasalalauga faatosina po o le
faailoa atu i tagata lautele:
 - (i) o so o se meafaitino e ese mai i se oloa
tau tapaa;
 - (ii) so o se auauanaga, gaoioiga po o mea e
tulai mai; po o
 - (iii) so o se sikolasipi, faalapotopotoga po
o isi faamanuiaga tau aoaoga, e ui lava e
faapea o le a agavaa lea tagata, ae mo lenei
Tulafono e faaaogā le faailoga tau
fefaatauaiga i luga o lenei meafaitino po o
mo lena faamoemoe.

(2) Afai ua aofia i se faailoga tau fefaatauaiga le igoa o le kamupani, po o se vaega o le igoa o le kamupani, a se tagata e gaosia oloa, tagata e faaulufaleina mai i totonu oloa, po o le tagata e tufatufaina i totonu o Samoa o so o se oloa tau tapaa, e lē tatau i se tagata ona faaaogā le igoa o lea kamupani po o vaega o le igoa o le kamupani i se isi faiga e ese ai nai lo le tulaga tumaoti mo le faamoemoe o le faasalalauna faapisinisi po o le faailoaina atu i tagata lautele:

- (a) so o se meafaitino e ese mai i se oloa e gaosi ai le
tapaa;
- (b) so o se auauanaga, gaoioiga, po o mea e tulai mai; po
o
- (c) so o se sikolasipi, faalapotopotoga, po o isi
faamanuiaga tau aoaoga,

e ui lava ina faapea o le a agavaa lea tagata, ae mo lenei Tulafono, e agavaa e faaaogā lea faailoga tau fefaatauaiga po o le igoa o le kamupani po o vaega o le igoa o le kamupani mo lea faamoemoe.

(3) E lē tatau i se tagata ona tufatufa, faatau atu po o le ofoina atu po o le faailoa mo le faatauina atu o so o se meafaitino, e ese ai mai i se oloa e gaosi ai le tapaa po o se afifi po o se pusa oloa lea e faatauina atu ai oloa e gaosi ai le tapaa po o le utaina i vaa, o lo o faapea ona i ai se faailoga tau fefaatauaiga o se oloa tau tapaa lea e faatauina atu i totolu o Samoa.

(4) O tagata taitoatasi uma o i latou ia, e aunoa ma se mafuaaga talafeagai, ua faaaogāina so o se faailoga tau fefaatauaiga po o le igoa o le kamupani e solia ai le faafuaiupu (1) po o le faafuaiupu (2), po o ia lea e tufatufaina, faatauina atu, po o le ofoina po o le faailoa e faatau atu so o se meafaitino e solia ai le faafuaiupu (3), ua faia se soligatulafono ma ua noatia:

- (a) i le tulaga o se tagata e gaosia oloa, tagata e faaulufaleina mai oloa i totolu, po o le tagata e tufatufaina atu se oloa tau tapaa, i se sala tipe e lē silia le 1,000 iunite tau faasalaga; po o
- (b) i so o se isi tulaga, i se sala tipe e lē silia le 100 iunite tau faasalaga.

20. Tuufaatasia po o le uunaia o gaoioiga e faaaogāina ai faailoga tau fefaatauaiga ma isi mea faapea, o oloa tau tapaa-(1) E lē tatau i se tagata e gaosia oloa, tagata e faaulufaleina mai oloa i totolu, tagata e tufatufaina po o se tagata e faatauina atu oloa tau tapaa i tau taitasi ona:

- (a) fuafua po o le uunaia o so o se gaoioiga ua fuafuaina lelei lea o le a faia atoa po o sona vaega i totolu o Samoa;
- (b) faia so o se saofaga tau tipe i so o se gaoioiga ua fuafuaina lelei le faia, po o ua faia, po o sa faia, i lona tulaga atoatoa po o sona vaega i totolu o Samoa; po o
- (c) faia so o se saofaga tau tipe i so o se tagata e faasino i le faalapotopotoga, uunaia po o le auai o lea

tagata i se gaoioiga ua fuafuaina lelei le faia, po o ua faia, pe sa faia i lona tulaga atoatoa po o sona vaega i totonu o Samoa, pe afai o lea gaoioiga ua fuafuaina lelei e aofia ai le faaaaogāina o se faailoga tau fefaatauaiga o se oloa tau tapaa, po o se igoa o se kamupani po o so o se vaega o se igoa o se kamupani o lo o aofia i le faailoga tau fefaatauaiga o lea oloa tau tapaa.

(2) O tagata taitoatasi uma e gaosia oloa, tagata e faaulufaleina mai i totonu, tagata e tufatufaina, po o se tagata e faatauina atu se oloa tau tapaa i tau taitasi o ia lea ua lē tausisia lenei fuaiupu, ua faia se soligatulafono ma ua noatia:

- (a) i le tulaga o se tagata e gaosia oloa, tagata e faaulufaleina mai i totonu, po o se tagata e tufatufaina atu, i se sala tupe e lē silia le 1,000 iunite tau faasalaga; po o
- (b) i so o se isi lava tulaga, i se sala tupe e lē silia le 100 iunite tau faasalaga.

21. E faasaina tufatufaga ma taui tuusaunoa-(1) E lē tatau i se tagata e gaosia oloa, tagata e tufatufaina atu, tagata e faaulufaleina mai i totonu po o se tagata e faatauina atu oloa tau tapaa i tau taitasi ona:

- (a) tufatufaina so o se oloa tau tapaa;
- (b) tuuina atu so o se oloa tau tapaa i so o se tagata mo le tufatufaina mulimuli ane; po o
- (c) i le tulaga o se tagata e faatauina atu oloa i tau taitasi, ua tuuina atu so o se oloa tau tapaa i so o se tagata mo le faamoemoe o le pisinisi a lea tagata e faatauina atu oloa i tau taitasi,

e aunoa ma se totogi po o le faatauina i se tau faaitiitia.

(2) E lē tatau i se tagata ona:

- (a) ofoina atu so o se meaalofa po o tupe toe faafoi, po o le aia tatau e auai ai i so o se tauvaga, lulu po o taaloga, i le tagata o lo o faatauina se oloa tau tapaa mo le taui o lea oloa, po o i so o se tagata mo le taui o le tuuina atu o faamatalaga molimau e uiga i lea faatau; po o

(b) ofoina atu i so o se tagata e faatauina atu oloa i tau taitasi so o se meaalofa po o tupe toe faafoi, po o le aia tatau e auai ai i so o se tauvaga, lulu po o taaloga, e avea o se faatosina po o taui e faasino:

(i) i le faatau mai po o le faatau atu o oloa tau tapaa e lea tagata e faatauina atu oloa i tau taitasi;

(ii) i le faasalalau faatosina o oloa tau tapaa i totonu o le nofoaga o le pisinisi a lea tagata e faatauina atu oloa i tau taitasi; po o

(iii) le tulaga tonu o lo o i ai oloa tau tapaa i totonu o se vaega faapitoa o le nofoaga o le pisinisi a lea tagata e faatauina atu oloa i tau taitasi.

(3) E lē faasaina e le faafuaiupu (1) ma le (2) le tuuina atu o so o se tau pau mo fefaatauaiga masani po o tupe toe faafoi masani tau fefaatauaiga.

(4) E lē faaaogāina le faafuaiupu (2) i so o se tupe totogi po o taui i so o se tagata o ia lea:

(a) ua i ai le pule faataga a le Ofisa Sili o Pulega po o nisi lava tagata ua faatagaina mo lea famoemoega e le Ofisa Sili o Pulega; ma

(b) mo le faamoemoe o le mataituina o le tausisia o aiaiga o lenei Vaega,

ua faatauina mai, po o le taumafai e faatauina mai, so o se oloa tau tapaa.

(5) O tagata taitoatasi uma ua ofoina atu so o se meaalofa, tupe toe faafoi, po o le aia tatau e auai ai ua solia ai lenei fuaiupu, ua ia faia se soligatulafono ma ua noatia:

(a) i le tulaga o se tagata e gaosia oloa, tagata e faaulufaleina mai i totonu po o le tagata e tufatufaina, i se sala tupe e lē silia le 1,000 iunite tau faasalaga; po o

(b) i so o se isi lava tulaga, i se sala tupe e lē silia le 100 iunite tau faasalaga.

22. E leai ni faasalalauga faatosina po o ni igoa e faia i oloa tau tapaa e faapea ai ua talafeagai mo le taumafaina-(1)
E lē tatau i se tagata ona lomia faasalalau se faasilasilaga

faatosina mo se oloa e gaosi ai le tapaa lea o lo o faamatala sao ai pe leai foi po o le faapea mai ai e talafeagai le oloa mo le taumafaina po o mo so o se isi lava faaaogāina (e ese mai i le ulaina).

(2) E lē tatau i se tagata ona faaulufale mai mo le faatauina atu, afifi po o le tufatufa atu so o se oloa tau tapaa ua maea ona faailogaina i igoa po o ua faamatalaina i se isi faiga e faapea e talafeagai mo le taumafaina, po o mo so o se isi lava faaaogāina masani (e ese mai nai lo le ulaina).

(3) O tagata taitoatasi uma o ia lea ua lomia faasalalau so o se faasilasilaga faatosina e solia ai le faafuaiupu (1), po o o ia lea ua faaulufale mai, faatau atu, afifi po o le tufatufa atu o so o se oloa tau tapaa e solia ai lenei faafuaiupu (2), ua ia faia se soligatulafono ma ua noatia:

- (a) i le tulaga o se tagata e gaosia oloa, tagata e faaulufaleina mai i totonu po o le tagata e tufatufaina, i se sala tupe e lē silia le 1,000 iunite tau faasalaga; po o
- (b) i so o se isi lava tulaga, i se sala tupe e lē silia le 100 iunite tau faasalaga.

23. E faasaina le faatauina atu o oloa tau tapaa i tagata e i lalo ifo o le 21 tausaga le matua-(1) E lē tatau i se tagata ona faatauina atu so o se oloa tau tapaa i se tagata o ia lea e i lalo ifo o le 21 tausaga le matua.

(2) O le tetee i se moliaga e tusa ai o se soliga o le faafuaiupu (1) pe afai e faamaonia e le tagata e faapea, sa faia le soligatulafono e aunoa ma le iloa e le tagata ma faapea sa faia e le tagata laasaga talafeagai ma faatino ma le maelega, ina ia alo ese mai le faia o le soligatulafono.

(3) E lē o se tetee i se moliaga e tusa ai o le solia o le faafuaiupu (1):

- (a) pe afai o le tagata lea na faatau atu i ai le tapaa sa ia faatauina mai mo po o e avea ma sui o, po o se sooupu mo, se tagata o ia lea e mafai ona faatauina atu i ai faaletulafono oloa tau tapaa; po o

(b) pe afai e talitonu le tagata lea na faatauina atu oloa tau tapaa i luga o mafuaaga talafeagai e faapea o le tagata lea na faatau atu i ai oloa tau tapaa sa ia faatauina mai mo po o e avea ma sui o, po o se sooupou mo, se tagata lea e mafai ona faatau atu i ai faaletulafono oloa tau tapaa.

(4) E ao i tagata taitoatasi uma o ia lea e faatauina atu so o se oloa tau tapaa i tau taitasi ona faailoa manino i tagata lautele se faasilasilaga e uiga i le faamalosia o le faasaina o le faatauina atu o so o se oloa tau tapaa i tagata o i latou ia e i lalo ifo o le 21 tausaga le matutua.

(5) O tagata taitoatasi uma e faatauina atu oloa tau tapaa i tau taitasi o ia lea ua lē usitaia, e aunoa ma se mafuaaga talafeagai, le faailoa atu o le faasilasilaga faalauaitele ua manaomia e le faafuaiupu (4), ua ia faia se soligatulafono ma ua noatia i se sala tupe e lē silia le 100 iunite tau faasalaga.

(6) Ua faia e tagata taitoatasi uma se soligatulafono ma ua noatia i se sala tupe e lē silia le 1,000 iunite tau faasalaga pe afai na te faatauina atu so o se oloa tau tapaa e solia ai lenei fuaiupu.

24. Faasaina o le faatauina atu o nisi oloa tau tapaa i ni aofaiga laiti-(1) E lē tatau i se tagata ona:

(a) faatauina atu i tau taitasi;
 (b) ofoina mo le faatauina atu i tau taitasi,
 sikaleti taape i se aofaiga e i lalo ifo o le 10 sikaleti.

(2) E lē tatau i se tagata e gaosia oloa, tagata e faaulufaleina mai i totonu, tagata e tufatufaina po o tagata e faatauina atu oloa i tau taitasi ona faatauina atu pe ofoina mo le faatauina atu:

(a) sikaleti i totonu o se pepa lea e lē atoa le 10 o sikaleti o i ai; po o
 (b) sikaleti taape i se pepa lea e itiiti ifo i le 15 kalama sikaleti taape.

(3) Ua faia e tagata taitoatasi uma se soligatulafono ma ua noatia i se sala tupe e lē silia le 1,000 iunite tau faasalaga, pe afai ua ia faatagaina le faatauina atu o so o se oloa tau tapaa ua solia ai lenei fuaiupu.

25. Faasaina o le faatauina atu o tapaa e ala i masini faatau tapaa ma isi auala e faatauina atu ai e aunoa ma le vaavaaia-(1) E lē tatau i se tagata ona faatau atu pe ofoina e faatau atu oloa tau tapaa e ala i masini e faatau ai tapaa.

(2) E lē mafai ona faatau atu oloa tau tapaa po o le tuuina atu e ala i le meli, po o le auala atu i so o se faiga e lē mafai ai ona faaaogā le matua o le tagata e faatauina mai pe taliaina oloa tau tapaa, e faamaonia ai.

(3) E lē mafai ona faatau atu pe ofoina e faatau atu oloa tau tapaa e ala i se faalauiloaina lea e faatagaina ai se tagata e tagofia oloa tau tapaa ae le i totogiina.

(4) Ua faia e tagata taitoatasi uma se soligatulafono ma ua noatia i se sala tuge e lē silia le 1,000 iunite tau faasalaga pe afai na te faatagaina le faatauina atu o so o se oloa tau tapaa i se faiga ua faasaina i lenei fuaiupu.

26. Tusia o igoa ma lapataiga tau soifua maloloina-(1) E lē tatau i se tagata ona faatau atu po o le ofo e faatau atu se oloa tau tapaa vagana ai e faapea:

- (a) ua tausisia manaoga faatonuina e tusa ai o le afifi o lo o i ai i totonu le oloa;
- (b) o le afifi o lo o i ai oloa ua faaalia e tusa ai ma tulafono faatonutonu:
 - (i) o se lapataiga tau le soifua maloloina;
 - (ii) o se lisi o kemikale oona o lo o gaosia ai le oloa;
 - (iii) o mea e maua mai le oloa (pe afai e i ai); ma
 - (iv) i le tulaga o se oloa tau tapaa sa faamoemoe e ulaina, o se lisi o kemikale oona o lo o gaosia ai ma o latou aofaiga taitasi o i ai i totonu o le asu; ma
- (c) se laupepa ua tuuina i totonu po o luga o le afifi o i ai oloa, lea o lo o aiaia ai manaoga ua faatonuina, o i ai faamatalaga e faasino i aafiaga o le soifua maloloina i le faaaogāina o le oloa ma fautuaga e uiga i le auala e faaaogā e le tagata e faatauina mai e mafai ai ona taofia po o le faaitiitia o lo latou faaaogāina o le oloa.

(2) O so o se oloa tau tapaa po o faasilasilaga faatosina e tatau ona ave ai ma lapataiga tau soifua maloloina e faapea:

- (a) e faataamilo ina ia faaalia ai le faasologa o lapataiga i ituaiga uma o tapaa ma eseesege o ia ituaiga;
- (b) e lapopoa, manino, iloagofie ma faitaugofie; ma
- (c) e oo atu i le maualuga e 30 pasene o nofoaga autu e faaalia ai pusa tapaa ma afifi.

(3) E mafai ona aiaia e tulafono faatonutonu e faapea o pepa taitasi ma afifi o tapaa sa faatau atu i totolu o Samoa e ao ona ave ai lapataiga ia e i le foliga o, po o e aofia ai, ata po o siata o ata.

(4) O oloa uma tau tapaa sa faaulufaleina mai mo le faatau atu po o ua faatauina atu i totolu o Samoa e ao ona ave ai ma se faamatalaga manino e faapea ua faamoemoe e faatau atu le oloa i totolu o Samoa.

(5) I totolu o le faafuaiupu (1) o le faaupuga “o kemikale oona o lo o gaosia ai” o lona uiga o so o se vailau ua faaalia manino mai e le tulafono faatonutonu e fai ma kemikale oona e gaosia ai, mo faamoemoega o lena faafuaiupu.

(6) O tagata taitoatasi uma e gaosia oloa, tufatufaina atu, faaulufaleina mai i totolu, po o e faatauina atu oloa tau tapaa i tau taitasi, o ia lea e tufatufaina atu po o le tuuina atu o so o se oloa tau tapaa e solia ai le faafuaiupu (1), ua faia se soligatulafono ma e noatia i se sala tupe e lē silia le 1,000 iunite tau faasalaga.

(7) Ua faia e tagata taitoatasi uma se soligatulafono ma ua noatia i se sala tupe e lē silia le 1,000 iunite tau faasalaga, o ia lea o se tagata e gaosia oloa, o le tagata e faaulufaleina mai i totolu oloa, tagata e tufatufaina atu, po o le tagata e faatauina atu oloa tau tapaa i tau taitasi po o ua ofo e faatau atu so o se sikaleti po o tapaa ua solia ai le faafuaiupu (4).

27. Faasaina o le faia o igoa taufaasese-(1) E lē tatau i se tagata ona afifi po o le faaigoa o oloa tau tapaa i se faiga e faapea e faataga ai se tagata lea e faaaogāina po o le tagata e faatau mai oloa tau tapaa e faasese ai po o le taitaisese ai, e faatatau i ona uiga vaaia, o foliga vaaia, lamatiaga, mea o lo o gaosia ai, itu aogā po o le saogalemu.

(2) E lē tatau i se tagata ona ia faatau atu, tufatufa atu po o le faailoa atu mo le faatauina atu, po o le faasoa atu, faaulufale mai i totonu, po o le auina atu i fafo o so o se oloa tau tapaa lea e faailoa ai so o se upu, fuaite, faailoga po o isi vaiga e iloagofie ai i luga o afifi po o faailoga ia ua faamaonia e foliga e taufaasese.

(3) O so o se manaoga e tulai mai i le faafuaiupu (1) ma le (2) e lē faamamaavega i se tagata e gaosia oloa, tagata e faaulufale mai i totonu oloa, po o le tagata e faatauina atu oloa tau tapaa i tau taitasi mai isi o a latou matafaioi po o noataga e tulai mai i isi manaoga e lapataia ai tagata ia e faaaogāina e uiga i lamatiaga o le faaaogāina o oloa tau tapaa.

(4) O tagata taitoatasi uma e faia se soligatulafono ma ua noatia i se sala tupe e lē silia le 1,000 iunite tau faasalaga o ia lea:

- (a) e fafaoina po o le faailogaina o se oloa tau tapaa i se faiga ua faasaina e le faafuaiupu (1); po o
- (b) le faatau atu, tufaina atu po o le faailoa mo le faatau atu po o le tufatufaina atu, faaulufale mai i totonu, po o le auina atu i fafo, o so o se oloa tau tapaa lea ua faailogaina i se faiga ua faasaina i le faafuaiupu (2).

28. Puipuiga mai mea o lo o gaosia ai oloa tau tapaa-(1)

E lē tatau i se tagata e gaosia, faaulufale mai i totonu, auina atu i fafo, faatau atu po o i se isi faiga e ese ai ona tufatufaina atu so o se oloa tau tapaa, lea e lē o tausisia ai tulaga faatonuina, e faasino i le gaosia o oloa tau tapaa.

(2) E mafai e tulafono faatonutonu e faasino i le gaosia o oloa tau tapaa:

- (a) ona faatonuina le tele o vailaau e mafai ona maua i totonu o oloa tau tapaa po o mea e maua mai i tapaa;
- (b) ona faatonuina vailaau ia e lē mafai ona faaopoopoina i oloa tau tapaa; ma
- (c) faatonuina tulaga faataatitia o le mamanuina o oloa e faaitiitia ai aafiaga lamatia o oloa tau tapaa ma faaitiitia ai lo latou faatosina atu i tagata talavou.

(3) Ua faia se soligatulafono e tagata taitoatasi uma o ia lea ua gaosia, faaulufale mai i totonu, auina atu i fafo, faatau atu po o le tufatufa atu o so o se oloa tau tapaa lea e lē o tausisia ai tulaga manaomia o le faafuaiupu (1) ma ua noatia:

- (a) i le tulaga o se tagata e gaosia oloa, tagata e faaulufaleina mai, tagata e auina atu i fafo po o le tagata e tufatufaina atu i se sala tupe e lē silia le 1,000 iunite tau faasalaga; po o
- (b) i le tulaga o se tagata e faatauina atu oloa i tau taitasi i se sala tupe e lē silia le 100 iunite tau faasalaga.

29. O suesuega e manaomia-(1) O lenei fuaiupu ua faaaogā i oloa taitasi sa faatonuina mo faamoemoega o lenei fuaiupu.

(2) O tagata taitoatasi uma e gaosia oloa ma tagata e faaulufaleina mai se oloa lea e faasino i ai lenei fuaiupu, e tatau ona faia i tausaga taitasi uma, e tusa ai ma tulafono faatonutonu, ma i le faia i se potu suesue i atunu i fafo ua filifilia e le Ofisa Sili o Pulega, i se faiga e tasi po o faiga uma e lua (2) ua taua mulimuli ane (e pei ona manaomia e tulafono faatonutonu):

- (a) se suesuega mo mea faaopoopo ma/po o kemikale o lo o gaosia ai ituaiga taitasi o oloa sa faatauina atu e le tagata gaosi oloa po o le tagata na faaulufaleina mai oloa, ma le aofaiga maoti o na mea faaopoopo ma/po o kemikale o lo o gaosia ai; ma
- (b) afai o le oloa ua faamoemoe e ulaina, o se suesuega o le asu mo kemikale o lo o gaosia ai ituaiga taitasi o oloa sa faatau atu e le tagata gaosi oloa po o le tagata na faaulufaleina mai oloa, ma le aofaiga maoti o na kemikale o lo o gaosia ai.

(3) Afai ua manaomia lea itu e tulafono faatonutonu, e ao ona suesueina eseese ia ituaiga oloa taitasi.

(4) I totonu o lenei fuaiupu “oloa” o lona uiga o so o se ituaiga o oloa tau tapaa.

(5) I le faaopoopo atu i suesuega faaletausaga po o suesuega sa manaomia e le faafuaiupu (2), e mafai e le Ofisa Sili o Pulega, e ala i se faasilasilaga tusitusia i le tagata gaosi oloa po o le tagata e faaulufaleina mai se oloa lea e faasino i ai

lea fuaiupu, ona manaomia le faia o se isi nuesuega po o nisi nuesuega.

(6) O le isi nuesuega po o nisi nuesuega e mafai ona faia e tusa ai ma tulafono faatonutonu:

(a) i totonu o se potu nuesue ua filifilia e le Ofisa Sili o Pulega; ma

(b) tupe faaalu e totogiina e le tagata gaosi oloa po o le tagata e faaulufaleina mai oloa.

(7) E mafai e le Ofisa Sili o Pulega i so o se tausaga, ona manaomia isi nuesuega i lalo o le faafuaiupu (5) e faasino i le sili atu i le 10% o ituaiga o oloa, ia e faasino i ai le faafuaiupu (2) ua faatauina atu e se tagata gaosi oloa maoti po o le tagata e faaulufaleina mai oloa.

(8) O tagata gaosi oloa taitoatasi uma po o tagata e faaulufaleina mai oloa tau tapaa, o ia lea ua lē usitaia:

(a) le faia o so o se nuesuega sa manaomia i le fuaiupu 29 (2); po o

(b) le faia o so o se isi nuesuega e manaomia i lalo o le fuaiupu 29 (5),

ua faia se soligatulafono ma ua noatia i se sala tupe e lē silia le 1,000 iunite tau faasalaga.

30. Lipot o kemikale o lo o gaosi ai le tapaa, oloa faaopoopo ma nisi faamatalaga tau pisinisi e manaomia-(1)

O tagata gaosi oloa taitoatasi uma, tagata e faaulufaleina mai oloa i totonu, ma tagata e auina atu i fafo oloa tau tapaa, e tatau ona tuuina atu i le Matagaluega a itiiti ifo e tai-tausaga, ae vagana ai se isi faiga sa faatonuina, lipot ma faamatalaga o tupe maua faaletausaga o lo o i ai faamatalaga ua faamaotiina i totonu o tulafono faatonutonu.

(2) Afai e manaomia e tulafono faatonutonu, o le faamatalaga ua taua i totonu o le faafuaiupu (1) e tatau ona avanoa i ai tagata lautele i le faiga ua faatonuina.

(3) O tagata gaosi oloa taitoatasi uma po o tagata e faaulufaleina mai oloa tau tapaa, o ia lea ua lē usitaia:

(a) le tuuina atu o so o se faamatalaga o tupe maua faaletausaga sa manaomia e le faafuaiupu (1); po o

(b) le lomia faasalalau o so o se lipoti e manaomia e le faafuaiupu (2),
 ua faia se soligatulafono ma ua noatia i se sala tupe e lē silia le 1,000 iunite tau faasalaga.

31. O isi poloaiga a le Faamasinoga i moliaga ua faamaonia faaletulafono mo se soligatulafono-(1) Afai o se tagata gaosi oloa, tagata e tufatufaina atu, tagata e faaulufaleina mai oloa po o le tagata e faatauina atu oloa i tau taitasi, o se tagata ua faamaonia faaletulafono lona moliaga i se soligatulafono i lalo o lenei Tulafono, e mafai e le Faamasinoga, i le faaopoopo atu i so o se faasalaga ua faaee atu, ona faia se poloaiga:

- (a) i le tulaga o se tagata gaosi oloa, tagata e tufatufaina atu po o le tagata e faaulufaleina mai oloa, e faasaina ai le tagata gaosi oloa, tagata e tufatufaina atu po o le tagata e faaulufaleina mai oloa, mai le gaosia, tufatufaina atu po o le faaulufaleina mai o oloa tau tapaa mo se vaitaimi e lē silia le 12 masina; po o
- (b) i le tulaga i se tagata e faatauina atu oloa i tau taitasi, e faasaina ai le faatau atu po o le ofo mo le faatau atu o oloa tau tapaa e le tagata e faatauina atu oloa i tau taitasi mo se vaitaimi e lē silia le 12 masina.

(2) Afai ua faa-lua (2) pe sili atu ona faamaonia faaletulafono se moliaga o se tagata gaosi oloa, tagata e tufatufaina atu, tagata e faaulufaleina mai oloa, po o se tagata e faatauina atu oloa i tau taitasi mo lea lava soligatulafono i lalo o lenei Tulafono, e tatau i le Faamasinoga ona faia se poloaiga e tusa ai ma le faafuaiupu (1).

(3) O so o se tagata o ia lea ua lē usitaia le poloaiga a le Faamasinoga ua faia i lalo o le faafuaiupu (1), e tatau ona faamaonia lona nofosala i le faalemigao i le Faamasinoga ma e tatau ona noatia i se sala tupe po o le nofosala i le falepuipui, po o faasalaga uma e lua (2), mo le lē migao e pei ona tatau ona fuafuaina e le Faamasinoga.

VAEGA VI
AIAIGA ESEESE

32. Tofiga o tagata ofisa e faamalosia le tulafono-(1) E mafai e le Ofisa Sili o Pulega ona tofia tagata ofisa e faamalosia tulafono, o i latou ia ua faatagaina e faatino ma tauaveina galuega tauave ua faamaotiina, ma malosiaga o le Ofisa Sili o Pulega i lalo o lenei Tulafono.

(2) E tatau i le Ofisa Sili o Pulega ona tuuina atu i tagata ofisa taitoatasi uma e faamalosia tulafono se tusi poloaiga, ma e tatau ona faaalia manino ai i lena tusi poloaiga galuega tauave ma malosiaga ia ua faataga i ai le tagata na tofia, e faatino ma tauaveina i lalo o le Tulafono.

(3) O se tagata ofisa e faamalosia tulafono o ia lea ua faatino po o faamoemoe e faatino so o se malosiaga ua tuuina atu i lalo o lenei Vaega, e tatau ona i ai ma e tatau ona tuuina atu pe afai ua manaomia ia faapea ona faia, le tusi poloaiga ma faamatalaga molimau e iloagofie ai le tagata ofisa e faamalosia tulafono.

(4) E tatau i se tagata ofisa e faamalosia tulafono, o ia lea ua tauaaoina se tusi poloaiga ua tuuina atu i lalo o lenei fuaiupu, i luga o le faamutaina o lona tofiga, ona toe faafoi le tusi poloaiga i le Ofisa Sili o Pulega.

33. Malosiaga o tagata ofisa e faamalosia le tulafono e asiasi ai ma faia duesuega-(1) O tagata ofisa e faamalosia tulafono, ua tofia i lalo o le fuaiupu 32 o lenei Tulafono e tatau ona i ai malosiaga ua taua e faapea:

(a) ae vagana ai e faapea o le nofoaga e lē o se fale o nofoia po o isi nofoaga e nonofo ai, ia ulufale i nofoaga ma fale o so o se nofoaga lea e gaosia ai tapaa, faatau atu, felauai, taliaina, tufatufaina atu, afifiina, po o se isi faiga e ese ai ua maua po o le toeitiiti maua po o ua i ai nei, ma le ulufale i so o se nofoaga faitele, e aofia ai se nofoaga o galuega, e faatino ai asiasiga po o duesuega i so o se taimi a o faagasolo le pisinisi po o itula faigaluega o le nofoaga o galuega po o i so o se isi lava taimi e talafeagai ma tatau;

- (b) e iloilo, tatala ma suesue so o se mea e faaaaogā, meafaigaluega, o meafaitino, o afifi po o so o se mea ua talitonu le tagata ofisa ua talafeagai i le faaaaogāina po o e mafai ona faaaaogāina mo le gaosia, afifiina, faailogaina, teuina, tufatufaina atu, faailoa atu, faasalalau faatosina po o le uunaia o oloa tau tapaa;
- (c) e iloilo so o se gaoioiga po o taualumaga sa faia i nofoaga ma fale;
- (d) e iloilo ma faia ata o po o mai so o se tusi, pepa aloaia, faamatalaga tusia, faila, e aofia ai faila faa-eletoroni po o isi faamaumauga ia e mafai ona talitonu le tagata ofisa i luga o mafuaaga tatau e maua ai faamatalaga talafeagai e fuafuaina ai po o tausisia lenei Tulafono po o tulafono faatonutonu ua faia i lalo o lenei Tulafono;
- (e) e suesueina po o le fesiligia o so o se kamupani ua laiseneina po o isi tagata sa aafia i le faatauina atu, faasalalauga faatosina po o le uunaia, gaosiga, faaulufaleina mai, auina atu i fafo, totoina, felauaiga, afifiina, po o le tufatufaina atu o oloa tau tapaa, so o se tagata e ona nofoaga ma fale, po o so o se tagata e faaaaogāina nofoaga ma fale, ma ana tagata faigaluega, sooupū, tagata fai feagaiga ma le aufaigaluega, o i latou uma ia e ao ona galulue felagolagomai atoatoa ma faamaoni i so o se asiasiga po o suesuega;
- (f) ia ave vaegamea faataitai o tapaa po o oloa tau tapaa po o vaega e fausia ai oloa i so o se mea e maua ai ma ia suesueina ia mea;
- (g) ia faoa faamalosi ma taofia, po o le poloaia o le teuina e aunoa ma le aveesea po o le suiga o so o se tapaa po o oloa tau tapaa o fea lava e mafai ona maua ai, o le tagata ofisa pe afai e talitonu e lē o tausisia manaoga o le Tulafono po o tulafono faatonutonu, i le tuuina atu i le kamupani ua laiseneina po o le tagata e ona oloa tau tapaa, po o pe afai ua le avanoa o ia, o so o se

isi tagata o i le nofoaga lea e teu ai oloa tau tapaa, le faasilasilaga tusitusia o le taofia faamalosi ma le taofia ma mafuaaga mo le taofiga; ma

(h) ia faoa faamalosi ma taofia ma lafoaia so o se oloa tau tapaa ua faatauina atu e se tagata i se faiga e lē usitaia ai manaoga o le Tulafono.

(2) Afai o so o se oloa tau tapaa lea ua faoa faamalosi ma taofia e se tagata ofisa e faamalosia le tulafono, ua faapea ona manaomia mo le faamalieina o manaoga o le Tulafono po o tulafono faatonutonu ua faia i lalo o lenei Tulafono, e tatau ona vave faafoi e tagata ofisa e faamalosia tulafono, i le nofoaga lea na faoa faamalosi mai ai.

(3) Afai o so o se oloa tau tapaa ua faoa faamalosi po o sa taofia ua faia i ai le faaiuga e faapea e lē faamalieina ai manaoga o le Tulafono po o tulafono faatonutonu, e mafai ona aveesea faamalosi ma faaleagaina po o le noatia ma fai fuafua i isi lafoaiga, e pei ona poloaia e se faamasinoga.

(4) E mafai e se sui o leoleo ona o faatasi ma se tagata ofisa e faamalosia tulafono, i le faatinoina o malosiaga i lalo o lenei fuaiupu.

(5) E lē taofia e le faafuaiupu (1) se tagata ofisa e faamalosia tulafono, mai le ulufale atu i se fale e nonofo ai po o isi nofoaga e aumau ai:

(a) i lalo o le faatagaga ua tuuina atu e po o i lalo o se tulafono e ese mai i lenei Tulafono; po o

(b) faatasi ai ma le maliega a sē o nofoia, i le na o le tulaga talafeagai mo faamoemoega e faapea:

(i) ua sailia po o o lenei Tulafono po o tulafono faatonutonu ua faia i lalo o lenei Tulafono o lo o tausisia e tusa ai ma le nofoaga sa ulufale atu i ai;

(ii) ua sailia le tulaga ua lē tausisia ai lenei Tulafono e tusa ai o le nofoaga sa ulufale i ai.

(6) Ua faia e se tagata se soligatulafono, pe afai ua latou tau faamatau, faaoollima po o ua faamoemoe e faalavelave po o le taofiofia o se tagata ofisa e faamalosia tulafono, o ia lea e galue e faatino po o le faatinoga o ana malosiaga i lalo o lenei

fuaiupu, ma e noatia i se sala tupe e lē silia le 100 iunite tau faasalaga.

34. Tiute tauave o tagata ofisa e faamalosia le tulafono-(1) O se tagata ofisa e faamalosia tulafono ua faatino malosiaga i lalo o lenei Tulafono, e ao ona faailoa lona tagata o se tagata ofisa e faamalosia tulafono, i le tagata o ia lea e foliga mai o lo o vaaia so o se nofoaga ma fale pe afai ua faamoemoe le tagata ofisa e faatino ana malosiaga; ma

(2) Afai e fesiligia lona faia faapea, e ao i le tagata ofisa e faamalosia tulafono ona tuuina atu faamatalaga molimau o lona tagata moni ma lana tusi poloaiga sa tuuina atu i lalo o le fuaiupu 32.

35. Tulafono Faatonutonu - E mafai e Le Ao o le Malo ona faia tulafono faatonutonu, e ogatasi ma lenei Tulafono ua faatonuina ai mataupu uma ia ua manaomia i lenei Tulafono, po o ua faatagaina ina ia faatonuina po o ua talafeagai po o ua alagatatau ona faatonuina mo le faatinoina po o le tuuina atu o le faamamaluga i lenei Tulafono.

36. Faamatalaga molimau e ala i Tusi Faamaonia - E ui lava i so o se isi tulafono, i so o se taualumaga i lalo po o e faatatau i lenei Tulafono, e aofia ai ae peitai e le faatapulaaina i se moliaga mo se soligatulafono, o se tusi faamaonia sa sainia e po o e fai ai ma sui o le Ofisa Sili o Pulega ua ttau ai e faapea:

(a) i so o se aso na faataga ai pe leai foi se tagata e faia faapea po o sa faasaina mai le faia o so o se mataupu po o se mea i lalo o po o e faatatau i lenei Tulafono;

(b) e faapea i so o se aso sa faia ai e le Minisita po o le Ofisa Sili o Pulega po o le tagata na faatagaina atoatoa e le Minisita po o le Ofisa Sili o Pulega, po o le a lava le tulaga e ono manaomia sa faia, pe na faia, tuuina atu po o le faia o se gaoioiga i se isi faiga e ese ai sa faatagaina, po o sa manaomia i lalo o po o e faatatau i lenei Tulafono; po o

- (c) mataupu o lo o aofia i so o se faatagaga po o le faasaina ua faasinomia i le parakalafa (a) po o mataupu o lo o aofia i so o se gaoioiga ua faasinomia i le parakalafa (b),

e tatau ona fai ma faamatalaga molimau atoatoa o mataupu o lo taua i totonu o tusi faamaonia, ma e tatau ona talitonuina tusi faamaonia ua sainia faapea, seja vagana ai ua faamaonia i se isi faiga e ese ai.

37. Tuuina atu o faasilasilaga ma isi tulaga faapea-(1)

Afai ua manaomia i lalo o lenei Tulafono se faasilasilaga, poloaiga, faatonuga, manaoga, fuafuaga, tusi, o isi pepa aloaia po o gaoioiga tau le pule faataga po o ua faatagaina ia faaoo atu i so o se tagata e le Minisita, Ofisa Sili o Pulega po o le tagata o lo o galue i lalo o le pule faataga a le Minisita po o le Ofisa Sili o Pulega e mafai ona faaoo atu le faasilasilaga, poloaiga, faatonuga, manaoga, fuafuaga, tusi, o isi pepa aloaia po o gaoioiga tau le pule faataga e ala i le:

- (a) faaooina atu i le tagata i lona tuatusi ua filifilia i totonu o Samoa, i so o se tusi talosaga i po o fesootaiga mai le tagata i le Minisita po o le Ofisa Sili o Pulega; po o
- (b) faaooina atu le faasilasilaga i le tuatusi i totonu o Samoa o so o se loia o lo o tulai o se sui faaletulafono mo le tagata; po o
- (c) le auina atu o le faasilasilaga e ala i le totogi muamua o le meli po o fesootaiga i masini fesi i le tuatusi i totonu o Samoa e lafo i ai, po o le tuatusi o fesootaiga i masini, po o le a lava le tulaga e manaomia, sa filifilia e le tagata i totonu o so o se tusi talosaga i po o fesootaiga ma, po o fesootaiga mai le tagata, i le Minisita po o le Ofisa Sili o Pulega; po o
- (d) le auina atu o le faasilasilaga e ala i le totogi muamua o le meli po o fesootaiga i masini fesi i le tuatusi i totonu o Samoa e lafo i ai, po o le tuatusi o fesootaiga i masini, po o le a lava le tulaga e manaomia, e so o se loia o tulai o se sui faaletulafono mo le tagata; po o

(e) se faasilasilaga e lomia faasalalau i le gagana Samoa ma le gagana Peretania i le Savali ma se isi nusipepa o lo o faasalalauina i totonu o Samoa.

(2) Mo faamoemoega uma i le tulaga o le totogi muamua o le meli, e tatau ona faatatauina le auaunaga e faapea, e faamamaluina i le maea ai o le lua (2) aso mai le aso na lafaina ai.

(3) Mo faamoemoega uma, i le tulaga o le faaooina atu e ala i masini fesi:

(a) e tatau ona avea e faapea ua faataunu le tuuina atu i le maea ai o fesootaiga e aunoa ma ni faamatalaga molimau e faapea o le faaleagaina po o ua lē atoatoa le tuuina atu; ma

(b) o se saini sa lolomiina po o sa faia se ata e tatau ona lava atoatoa lea mo so o se faasilasilaga, poloaiga, faatonuga, manaoga, faaiuga, tusi, o isi pepa aloaia, po o gaoioiga tau le pule faataga ua faaoo atu e ala i fesootaiga i masini fesi.

38. Aiaiga tau Soloaiga-(1) E leai se mea i totonu o le fuaiupu 19 (3) e tatau ona faaaogāina e tusa ai o le tufatufaina atu po o le faatau atu, i totonu o le ono (6) masina i le tuanai ai ona faamamaluina o lenei Tulafono, o so o se oloa lea e faapea sa:

(a) gaosia a o lumanai ai le aso e amata faamamaluina ai lenei Tulafono; po o

(b) na faatonuina a o lumanai ai le aso na amata faamamaluina ai lenei Tulafono mai le tagata gaosi oloa po o le tagata e tufatufaina atu, i se isi faiga e ese ai nai lo le tuuina atu o se oka masani o oloa lea e manaomia ai le faamaoniga, po o e faapea sa noatia ma fai fuafua i le faalēaogāina, ina ua tuanai ai lena aso.

(2) E ui lava i so o se isi mea i totonu o fuaiupu 17, 19 ma le 20, pe afai ua matua manaomia e se konekarate ua ofi atu i ai a o lumanai ai le aso e amata faamamaluina ai lenei Tulafono, e mafai ona faaaogā le igoa o so o se tagata gaosi oloa po o se tagata e faaulufaleina mai oloa tau tapaa, po o faailoga tau fefaatauaiga o so o se oloa tau tapaa, mo le ono (6) masina ina

ua tuanai ai le aso na faamalosia ai lenei Tulafono, e ese mai ai nai lo le fesootai faatasi ma se oloa tau tapaa, e ala i se faamatalaga e tuuina atu i tagata lautele:

- (a) lea e uunaia ai po o e fesootai faatasi ma se gaoioiga faatulagaina lelei; po o
 - (b) lea e taliaina tulaga tau tupe po o isi saofaga sa faia e le tagata gaosi oloa po o le tagata e faaulufaleina mai oloa tau tapaa e agai i so o sea gaoioiga.
- (3) O lipoti muamua ua manaomia i le fuaiupu 30 e tatau ona tuuina atu i le Ofisa Sili o Pulega:
- (a) i le po o a o lumanaia ai le masina lona ono (6) i le tuanai ai o le amata faamamaluina o lenei Tulafono, i le tulaga o sikaleti ma sikaleti tapaa; ma
 - (b) i le aso sa faamaoti mai e le Ofisa Sili o Pulega e ala i se faasilasilaga tusitusia i le tagata gaosi oloa po o le tagata e faaulufaleina mai oloa, i le tulaga o so o se isi lava oloa tau tapaa.

O le Tulafono o le Puipuiga mai Aafiaga o le Tapaa 2008 o lo o faafoeina e le Matagaluega o le Soifua Maloloina.

**Lolomiina e le Failautusi a le Fono Aoao Faitulafono,
i le pule a le Fono Aoao Faitulafono.**